

【普光功德山王佛】

（科註第六一二頁第四行）

《觀世音菩薩授記經》：阿彌陀佛正法滅後，過中夜分，明相出時，觀世音菩薩，於七寶菩提樹下，結加趺坐，成等正覺，號普光功德山王如來，應供、正遍知、明行足、善逝、世間解、無上士、調御丈夫、天人師、佛、世尊。其佛國土自然七寶，眾妙合成莊嚴之事，諸佛世尊，於恒沙劫說不能盡。（中略）其佛國土，無有聲聞緣覺之名，純諸菩薩充滿其國。

華德藏菩薩白佛言：世尊，彼佛國土名安樂耶？佛言：善男子，其佛國土，號曰眾寶普集莊嚴。